

素靈約囊病

內經分病約囊上

五臟六腑十二經脉病

志

肝在志為怒怒傷肝悲勝怒風傷筋燥勝風酸傷筋辛勝

酸

心在志為喜喜傷心恐勝喜熱傷氣寒勝熱苦傷氣鹹勝

苦

脾在志為思思傷脾怒勝思濕傷肉風勝濕甘傷肉酸勝

甘

肺在志為憂憂傷肺喜勝憂熱傷皮毛寒勝熱辛傷皮毛

苦勝辛

腎在志為恐恐傷腎思勝恐寒傷血燥勝寒鹹傷血甘勝

鹹以上陰陽應象大論

虛實

肝病者兩脇下痛引少腹令人善怒虛則目眊無所見

耳無所聞善恐如人將捕之逆則頭痛耳聾不聰頰腫

心病者胸中痛脇支滿脇下痛膺背肩甲間痛兩臂內痛

虛則胸腹大脇下與腰相引而痛

脾病者身重善飢肉痿足不收行善癢脚下痛虛則腹滿

腸鳴飧泄食不化

肺病者喘欬逆氣肩背痛汗出尻陰股膝髀脇足皆痛
虛則少氣不能報息耳聾嗌乾

腎病者腹大脛腫喘欬身重寢汗出憎風虛則胸中痛大
腹小腹痛清厥意不樂

以上藏氣法時論

肝熱病者小便先黃腹痛多臥身熱熱爭則狂言及驚脇
滿痛手足躁不得安臥其逆則頭痛員，脉引衝頭也
心熱病者先不樂數日乃熱熱爭則卒心痛煩悶善嘔頭
痛面赤無汗

咳

脾熱病者先頭重頰痛煩心顏青欲嘔身熱熱爭則腰痛
不可用俛仰腹滿泄兩頷痛

肺熱病者先淅然厥起毫毛惡風寒舌上黃身熱爭熱則
喘欬痛走胸膈背不得太息頭痛不堪汗出而寒

腎病者先腰痛^熱骭痠痠痠苦渴數飲身熱熱爭則項痛而強^熱骨
寒且痠足下熱不欲言其逆則項痛^{以上刺熱篇}

肝欬之狀欬則兩脇下痛甚則不可以轉轉則兩胠下滿
心欬之狀欬則心痛喉中介介如梗狀甚則咽^腫喉痺

脾欬之狀欬則右胠下痛陰引肩背甚則不可以動

則欬劇

肺欬之狀欬而喘息有音甚則唾血

腎欬之狀欬則腰背相引而痛甚則欬涎

肝欬不已則膽受之膽欬之狀欬嘔膽汁

心欬不已則小腸受之小腸欬之狀欬而失氣氣與欬俱失

脾欬不已則胃受之胃欬之狀欬而嘔甚則長蟲出

肺欬不已則大腸受之大腸欬之狀欬而遺矢

腎欬不已則膀胱受之膀胱欬之狀欬而遺溺久欬不已則

三焦受之三焦欬之狀欬而腹滿不欲食飲

風

此皆聚於胃關於肺使人多涕唾而面浮腫氣逆也以上論
肝風之狀多汗惡風善悲色微蒼噤乾善怒時憎女子診
在目下其色青
心風之狀多汗惡風焦絕善怒瞀赤色病甚則言不可快
診在口其色赤
脾風之狀多汗惡風身體怠墮四支不欲動色薄微黃不
嗜食診在鼻上其色黃
肺風之狀多汗惡風色皴然白時欬短氣晝日則差暮則
甚診在眉上其色白

痺

腎風之狀多汗惡風面龐然浮腫脊痛不能正立其色焔
隱曲不利診在肌上其色黑

胃風之狀頸多汗惡風食飲不下鬲塞不通腹善滿失衣
則腹脹食寒則泄診形瘦而腹大以上風論

肝痺者夜卧則驚多飲數小便上為引如懷

心痺者脉不通煩則心下鼓暴上氣而喘噤乾善噫願氣

上則恐

脾痺者四支解墮發咳嘔汁上為大塞

肺痺者煩滿喘而嘔

腎痺者善脹尻以代踵脊以代頭

以春遇此者為筋痺筋痺不已復感於邪內舍於肝

以夏遇此者為脉痺脉痺不已復感於邪內舍於心

以至陰遇此者^為肌痺肌痺不已復感於邪內舍於脾

以秋遇此者為皮痺皮痺不已復感於邪內舍於肺

以冬遇此者為骨痺骨痺不已復感於邪內舍於腎

淫氣之竭痺聚在肝 淫氣憂思痺聚在心 淫氣肌絕

痺聚在脾 淫氣喘息痺聚在肺 淫氣遺溺痺聚在腎

以上
痺論

目者肝之官也肝病者腎青 舌者心之官也心病者舌

五志

卷短顴赤 口唇者脾之官也脾病者唇黃 鼻者肺之官也肺病者喘息鼻張 耳者腎之官也腎病者顴與顏黑以上五閱五便

肝悲哀動中則傷魂魂傷則狂忘不精不精則不正當人陰縮而攣筋兩脇骨不舉毛悴色夭死於秋 心怵惕思慮則傷神傷神則恐懼自失破腠脫肉毛悴色夭死於冬 脾愁憂而了解則傷意意傷則悞亂四肢不舉毛悴色夭死於春

肺喜樂無極則傷魄、傷則狂、者意不存人皮革焦毛

悴色夭夏死於

腎盛怒而不止則傷志、傷則喜忘其前言腰脊不可以

俛仰屈伸毛悴色夭死於季夏

肝藏血、舍魂肝氣虛則恐實則怒、心藏脉、舍神心

氣虛則悲實則笑不休脾藏營、舍意脾氣虛則四肢

不用五藏不安實則腹脹經澁不利肺藏氣、舍魄肺

氣虛則鼻塞不利少氣實則喘喝胃盈仰息腎藏精、

舍志腎氣虛則厥實則脹五藏不安以上本神

病先發於肝，病頭目眩脇支滿三日而之脾體重身痛
五日而之胃脹三日而之腎腰脊小腹痛脛痠三日不已
死冬日入夏蚤食

病先發於心，病先心痛一日而之肺欬三日而之肝脇
支痛五日而之脾閉塞不通身體重三日不已死冬夜半
夏日中

病先發於脾，病身痛體重一日而之胃脹二日而之腎
少腹腰脊痛脛痠三日而之腎膀胱背脇筋痛小便閉十
日不已死冬人定夏晏食

病先發於肺，病喘三日而之肝脇支滿痛一日而之脾身重體痛五日而之胃脹十日不已死冬日入夏日出病先發於腎，病少腹腰脊痛骭痠三日而之脅膀胱背

脇筋痛小便閉二日而上之心腹脹三日而之小腸兩脇

支痛三日不已死冬大晨夏晏晡

病先發於膀胱膀胱病小便閉五日而之腎少腹脹腰脊痛骭痠一日而之小腸腹脹一日而之心身體重二日不已死冬鷄鳴夏下晡

病先發於胃，病脹滿五日而之腎少腹腰脊痛骭痠三

日而之脅膀胱背脇筋痛小便閉五日而上之脾身體重
二日不已死冬夜半夏日晡以上病傳

膀胱病者小腹偏腫而痛以手按之即欲小便而不得肩
上熱及足小指外廉脛踝後皆熱

胃病者腹脹胃脘當心而痛上肢兩脅膈咽不通食飲
不下

膽病者善太息口苦嘔宿汁心下澹恐人將捕之噎中
哕然數唾寒熱

小腸病者小腹痛腰脊控睪而痛時窘之後當耳前熱若

寒甚苦獨肩上熱甚及小指次指之間熱
大腸病者腸中切痛而鳴濯，冬日重感於寒即泄當臍
而痛不能久立與胃同候
三焦病者腹氣滿小腹尤堅不得小便窘急溢則水留即
為脹

面熱者足陽明病

魚絡血者手陽明病

兩跗之上脉堅陷者足陽明病

以上五藏六府病

厥

巨陽之厥則腫首頭重足不能行發為眴仆
陽明之厥則癰疾欲走呼腹滿不得卧面赤而熱妄見而
妄言

少陽之厥則暴聾頰腫而熱脇痛斷不可以運
太陰之厥則腹滿臍脹後不利不欲食則嘔不得卧
少陰之厥則口乾溺赤腹滿心痛
厥陰之厥則少腹腫痛腹脹溼洩不利好卧屈膝陰縮腫

斷內熱

以上厥論

肝合筋其榮爪多食酸則肉胝脇而唇揭

心合脉其榮色多食苦則皮槁而毛拔
脾合肉其榮唇多食甘則骨痛而髮落
肺合皮其榮毛多食辛則筋急而爪枯
腎合骨其榮髮多食鹹則脉凝泣而變色
厥心痛色蒼如死狀終日不得太息肝心痛也

厥心痛如以錐鋒刺其心脾心痛腹脹胸滿胃心痛也

厥心痛卧若徒居心痛間動作痛甚色不變肺心痛也

厥心痛與背相控善癢如從後觸其心偃僂者腎心痛也

真心痛手足青至節心痛甚旦發夕死夕發旦死以上厥病